

59

DECRETA

CONSVLTISSIMÆ

FACVLTATIS IVRIS

CANONICI.

Die Martii 21. & Iouis 23. Martij An. Dom.

M. DC. LXII.



PARISIIS,

Excudebat DIONYSIVS LANGLEVS,
in Monte D. Hilarij, sub Pelicano.

M. DC. LXII.

DECEMBER

1891

1891

1891

1891

1891

1891

1891

1891

1891

1891

1891



DECRETVM

CONSVLTISSIMÆ

FACVLTATIS IVRIS

CANONICI.

Die Martis 21. Martij An. Dom. M. DC. LXII.
Horis Pomeridianis.



CONGREGATA est mandato THEODORICI BIGNON, Senatoris & Decani Facultas super relatione ei facta à M. Ioanne Doujat Antecessore, & Syndico Facultatis quod contra Senatusconsultum diei 6. Septemb. 1656. quo cauetur vt Theses propugnandæ, manu Præsidiis & Syndici prius subscribantur, Senatusconsulto 12. Martij an. 1661. confirmatum, typis mandatae essent Theses *ex cap. ut debitus* 59. & *de appellat.* à M. Iacobo Vincent Cadomenfi Diocesis Bajocensis, Præside M. Petro Halley Antecessore pro Baccalaureatu propugnandæ, auspiciis Illustrissimi ac Reuerendissimi Domini Fr. de Nesmond Episcopi Bajocensis, quarum in quartâ Sectione habebantur hæc verbâ à Vicario Pontificis Maximi ad eundem Pontificem Maximum, utpote qui

A

idem cum Deo , *commune sibi cum nemine tribunal habet* ; *appellatio interponitur* : quæ verba , *idem cum Deo* , tanquam minimè necessaria , & ex quorum minùs sanà interpretatione duriores consequentiæ deduci possent , curâ Domini actus Præsidis , vel delenda omninò , vel certè adhibito temperamento debito sic explicanda censuisset , vt nulla eius dicti in alium à mente respondentis & prauum sensum detorquendi ansa superesset , idque tam D. Hallæo die 14. huius mensis , quàm iterum candidato clariùs postridiè significasset : quòdque eo vrgente Thesium impressionem ob proximum Domini Bajocensis discessum , consensisset vt interim componerentur , illàsque subscriptas , sed adjecta eà conditione quæ superius allata est , postridiè redditurus foret. Ab eo tempore nec sibi , nec Bidello visum eundem candidatam , donec die Dominica 19. currentis mensis , typis excusas , nullà correctione adhibitâ , Theses detulit , & præter morem quibus visum per urbem distribuit. Ex quo variis interpretationibus ea verba in minùs sanum intellectum defecissentibus , nonnulli offendi cœperint. Quapropter conuentum à se quamprimum licuerit Dominum Decanum , qui & ipse propositionem prout iacebat improbare se ostenderat , remque omnem , vtpote magni momenti ad Facultatis iudicium deferendam cum ipso censuerat. Quibus relatis adjecit Decanus diem actus se inconsulto dictam , Thesesque ad se non ante allatas quàm aliis pluribus oblata fuissent , nec sibi exhibitam priuati examinis schedam , in quibus violatam fuisse disciplinam contendebat : Nihilominus ostensâ deinde schedâ , precibus M. Petri Halley , & Domini Episcopi Bajocensis causâ , cui Theses dicatæ essent , se Actui peragendo consensum præbuisse.

Post hæc auditis tum Syndici , tum dicti M. Petri Halley rationibus , vbi hic aulâ excessit , re in consilium missâ , Decretum est Thesim emendari debere , & in quarta sectione vel expungi omninò ea verba , vel sic reponi , *vtpote qui suum à Deo* , &c. *tribunal habet* , & sic emendatam iterum ad eosdem qui prius exemplum acceperant , à respondente , aut eius operâ deferri : alioquin Actum à Decano impediendum : vtque Facultas die Iouis disputationi destinato , ante meridiem , vel

statim à meridie conueniret , vt si hæc conclusio executioni mandata non esset , quid agendum videretur : In posterum autem seruanda Senatusconsulta & statuta ad disciplinam pertinentia , sub pœnis quæ in iis continentur , & etiam grauioribus si casus ferret. Hoc vero Decretum statim dicto M. Petro Halley , & candidato significatum est , qui ei se satisfacturos polliciti sunt , testati formam typorum nondum dissolutam , sed adhuc integram esse , itaque curaturos vt postridie sub meridiem sufficiens Thesium correctarum numerus Decano traderetur , cum nominibus eorum quibus denuo deferendæ essent , vt communi omnium curâ , quando vnus tanto oneri impar erat , ad omnes , si fieri posset , ante meridiem diei Iouis sequentis perferrentur.

De mandato D. D. Decani , & Doctorum Consultissimæ
Facultatis. VACHOT.

DECRETVM CONSVLTISSIMÆ Facultatis Iuris Canonici.

Die Iouis 23. Martij.

Facultate hora 2. post meridiem Congregatâ , retulit Decanus executioni mandatam non esse conclusionem 21. huius mensis , renunciatumque fuisse à M. Petro Halley atque à candidato , propter typorum confusionem excudi intra tam breue tempus nouas theses minimè potuisse , sed paratos se verborum quæ in Thesi arguerentur , quæque corrigenda censuisset Facultas , interpretationem quæ Facultati videretur , afferre : addiditque se à Domino Bajocensi Episcopo & scripto , & verbo rogatum aliquid temperamenti admittere aut excogitare ne disputatio differretur , ac posse candidatum declarare se eam propositionem tueri nolle , & consentire vt dederetur ex Decreto Facultatis. Ipseque deinde Dominus Episcopus Comitiz ingressus , dato sedendi loco ad dextram De-

A ij

cani, idem temperamentum proposuit, vt scilicet nequē ageretur, neque explicaretur Thesis, sed verba quæ negotium facessabant expungerentur, Itaque auditis iterum Domino Halley, & candidato, remotis ipsis Decretum est vt in gratiam dicti Domini Episcopi preces suas interponentis, & propter eos qui inuitati iam aduenerant, & in inferiori aula actum præstolabantur, de conclusionis dictæ diei rigore aliquid remitteretur, permittereturque actus celebratio, modò in ipso eius ingressu candidatus recitato publicè libello cuius verba à Facultate præscriberentur, ambiguam illam Thesium suarum partem retractaret, quæ pars consentiente præside deleteretur à maiori Bidello in exemplis Thesium ei per candidatum traditis, antequam quæ supererant adstantibus in ipso actu distribuere: quorum omnium narratione siue processu verbalis fieret, à Præsidente & candidato subscribendus: Eaque de re certiores fierent Dominus Cancellarius, Dominus Primus Præses, ac Domini regij fisci triumviri: atque vt Decretum Facultatis tam huiusce diei quàm 21. simul cum scripto perlegendo ab eod. candidato typis mandaretur & valuis Scholæ apponeretur. Caueretur denique ne in posterum à M. Petro Halley, aliòve quoquam Doctore huiusmodi nouitates proferrentur, tum vocatis Petro Halley Præsidente & candidato significatum est ipsis à Decano Decretum Facultatis, cui se obtemperaturos annuerunt.

De mandato D.D. Decani, & Doctorum Consultissimæ
Facultatis. VACHOT.

*Sequitur tenor scripti à M. Iac. Vincent. Bacca-
lauratus Candidato perlecti.*

*Præsules Illustrissimi Illustrissime Senator idemque Sapien-
tissime Decane Doctores Clarissimi, viri ornatissimi.*

CVM super relatione M. Ioan. Doujat Antecessoris &
Syndici Facultati facta de quadam positione. Sect. 4.

cuius verba sunt, à *Vicario Pontificis Maximi ad eundem Pontificem Maximum* *utpote qui idem cum Deo commune sibi cum nemine tribunal, habet appellatio interponitur.* Cuius propositionis verba illa *idem cum Deo* quidam putauerunt posse detorqueri in prauum sensum, & ea D. Dominus Syndicus vel deleri tanquam minimè necessaria vel certè debito temperamento adhibito explicari debere censuisset, Facultas Congregata in Comitibus die 21. huiusce mensis sub vesperam habitis decreuerit aliàs *(Theses typis mandandas in quibus vel omninò hæc verba deleantur, vel saltem sic reponerentur utpote qui suum à Deo commune cum nemine tribunal habet, & deferendas tam Dominis Doctoribus quam cæteris viris quibus per urbem distributæ forent, cùmque id propter breuitatem temporis & typorum confusionem minimè executioni demandari potuerit, & propter plurimorum Antistitum, & specialiter Illustrissimi D. Episcopi Bajocensis conuocationem, aliorumque clarissimorum virorum frequentiam minùs commode in alium diem hoc certamen publicum differri posse videatur; lubens assentior & acquiesco sententiæ Facultatis, vt illa verba pro non scriptis habeantur, tanquam quæ imprudenter exciderunt sed omninò deleantur neque ea tueri & defendere, quando ita Facultati visum est, ampliùs aut cupio aut debeo, licet profiteri possim nullo me nouitatis studio hæc verba affectasse, Rogo itaque Dominum Decanum & Facultatem, vt mecum dispensare velint, & ad certamen publicum accingi sinant propter Clarissimorum virorum præsentiam.*

Processus Verbalis eorumque acta sunt in Scholis inferioribus eodem die 23. Martij post Comitia Facultatis peracta.

CVM Decani & Syndici cura libellus à Candidato Iacobo Vincent legendus & approbatus à Facultate traditus fuisset à Bidello eidem Iacobo Vincent descendit Decanus indutus togâ purpureâ cum cæteris Doctoribus insignia Do-

me

Wing

folio

o 2

144

A 1

V. 2.

4

THE NEWBERRY LIBRARY

oratus habentibus in Aulam inferiorem ; & cum ipsis sedie in loco superiore propè Pulpitum , tum M. Petrus Halley præfatus est se , quando ita Domino Decano , Facultati & Syndico placuerat consentire vt positio in Sectione 4. de qua actum fuerat in Comitiis Facultatis deleteretur nec ea ageretur vllatenus in disputando ; deinde iubente Decano cum Candidatus ex scripto recitauisset, quod ei præscriptum fuerat à Facultate M. Nicolaus Vachot Presbyter magnus Bidellus & Scriba sumpto calamo eam positionis partem deleuit in exemplaribus quæ ipsi tradita fuerant à Candidato, & præsentavit Illustrissimo Episcopo Bajocensi Decano & adstantibus.

VACHOT Scriba Facultatis,
& maior Bidellus.

PAVLVS, minor Bidellus.